

四川通志卷五十二

輿地志

五十一

古蹟

五

順慶府

南充縣

附郭

充國城在縣南三十五里

方輿勝覽果州自邵伯溫守此邦名山勝景題

品無遺至以小成都目之附宋邵伯溫詩山圍翠合水連雲萬室樓臺照眼明勝地風淳真樂國四川惟說好充城

安漢故城在縣北漢置

華陽國志初平元年征東中郎將安漢趙頴建議分

巴爲三郡。潁欲得巴。舊名故白。益州牧劉璋以墊江以上爲巴郡。治安漢建安六年。改爲巴西郡。徙治閬中。隋志：巴西郡南充舊曰安漢。置宕渠郡。開皇初郡廢。十八年縣改名焉。舊唐志：宋於安漢故城置南充渠郡。隋改安漢爲南充。寰宇記：後魏平蜀於州北三十七里石筍壩。置南充渠郡。其縣亦移就郡理。隋廢郡。仍移縣理安漢城。改爲南充縣。以古充國縣爲名。宋志：淳化九年徙治清居山。明統志：安漢城在府城北三十五里。漢爲縣屬巴郡。晉屬巴西郡。劉宋於此置宕渠郡。隋廢。舊志：舊郡治在今城北五里北津渡。明洪武初徙今治。按明統志：安漢城在府城北三十五里。又宕渠郡在府城北四十里。卽石筍壩。又有充國城在府南三十五里。其說舛錯恐皆誤。

宕渠城在縣北四十里卽石筍壩城也。

按宕渠城卽安漢城。

舊志兩存今仍之。

徽州故城在縣西南五代唐長興初董璋以東川

叛引兵陷徽州卽此

流溪廢縣在縣西南唐置屬果州

舊唐志開耀元年析南充於流

溪水側寰宇記在州西南八十五里宋志熙寧六年省流溪縣爲鎮入南充紹興七年復爲縣元志至元二十年併流溪舊縣入西充明統志在南充縣境唐置宋因之元省輿地紀勝在府西南七十里

漢初廢縣在縣南

隋志涪陵郡漢初縣梁置新興郡西魏改郡曰清居縣曰漢初

開皇初郡廢元和志縣東南至合州一百九十四里本漢墊江縣地後魏於此置漢初縣屬合州寰宇記梁大同中於此立新興郡後魏恭帝三年於今縣西北六十里置清居郡及清居縣以地勢爽

增故曰清居隋初郡廢改縣爲漢初屬合州十六
年自故郡城移於今理自唐迄今不改元志至元
二十年併漢初入南充

國朝

彭長泰清居山閣宋時故城詩并序清居山去郡

城二十里許宿渠形勝地也傑峙千仞俯瞰大江
其上則依山疊石爲城城已殘毀聞有佛寺風雨
零落每求遺老詢其由來無有對者予一日扁舟
偶泊其下乘興登之見其長江塹設於前層崖壁
立於後左右諸山原碁布星列趨伏於下如有所
聽命焉設使諸山原沿貫爲壘氣勢聯絡譬如臂
之使指直當三巴之要豈惟一郡稱形勝哉古人
城此良有以也坐息既定復振衣歷險絕處遍索
遺碑得之荒烟亂草中業苔蝕過半矣急拭辨之
始知寺創於唐開元庚申城成於宋淳祐王子郡
帥甘大將軍嘗講武於此稽之史籍名氏事業湮
沒無傳豈先時以是役無益於國家故爲抑之歟
或年遠事湮爲之失傳歟古今人湮沒無傳者類
有如此於甘公又何慨焉然予嘗考余公玠之治

蜀也徙合州於釣魚山蜀土始爲可守清居之役
實與同時抑且雄控上游先得地利焉知當日去
守之功不在表裏間也於戲瞿塘劔閣不可謂不
險也用非其人終莫能守况一隅之險安可恃乎
所可憾者宋室君庸臣姦每長城自壞而以土地
與人甘公不得其傳卒賴之以免禍余公以昧於
進退不得其死雖曰人傑亦可慨矣安志一律俟
有識之君子辨之卓絕清居險雲中閣道懸城成
南宋日地闊大唐年俯視全川水孤撐半壁天空
餘一片石功業幾人傳

譙周故宅在縣北五里

袁天綱故宅在縣西金泉山

附唐無名氏詩危山
纔通鳥道空山更有

人家桃源定在深處澗水流來落花

開漢樓在縣南

明統志昔紀信誑楚而漢業以成
故名又名安漢樓名勝志郡守楊

濟記云聖朝褒封紀信有實開漢業之語因摘二字以名是樓

萬卷樓在縣金泉山下晉陳壽讀書於此舊唐志在南充

縣西十里果山上

仙鶴樓在縣東一統志在郡城後子城上輿地紀勝下瞰大江實爲郡治亭臺之冠

冠

讀書樓在縣南元時郡人拜都輩讀書於此皆登

進士故名

望江樓在縣北一里明大學士陳以勤建

北津樓在縣北五里

附明道人張三丰詩誰喚吾來蜀內遊北津樓勝岳陽樓

烟迷沙岸漁歌起水照江城歲月收萬里清波朝
夕湧千層白塔古今浮壯懷無限登臨處始識南
游第一州

光相臺在縣清居山右

琴臺在縣南司馬相如嘗寓此

附宋于方回詩地號琴臺本不虛相

如曾卜此閒居至今洗筆池中水尙有當時吮墨
魚

七佛臺在縣清居山後有佛足鳳足靈蹟之異

覽秀臺在縣西七里舊爲鄉士期集題名所

觀星臺在縣北五里昔譙周觀星於此

藏春亭在府治內

靈雨亭在府堂後知府沈良佐建

四水亭在縣西

清風亭在縣西

五友亭在縣清居山

輿地紀勝游內題云明月清風爲道友古典今文爲義友

孤雲野鶴爲自在友恠石流水爲娛樂友山果橡栗爲相保友是五友者無須臾不在此間也

湖心亭在縣西北二里咎雲鶴建黃輝有詩

清輝閣在縣北

輿地紀勝俯瞰大江其景清絕

相樂堂

平政堂

靜治堂以上俱在府治內又有萬卷坐笑凝香桂

堂竹堂諸名

步虛堂在縣金泉山唐女謝自然成仙處

飛仙石在縣南

附明張鑑詩掃雲來上飛仙石風舞巖沙寒露滴閱世經過幾千秋

去天不盈三五尺誰騎白鶴度方壺我向揚州吹鐵笛長嘯一聲烟霧深空山月映遊人跡

金樓在清居山高與寺等亭亭如浮屠常有光焰

抱朴庵在金泉山北相傳抱朴子隱此石壁刻抱

朴庵三字

畫卦石在縣東四十里

明統志其石平如砥上畫八卦文相傳周柱下史李

耳於此以足畫之足跡尙存

冽泉井在縣學東泉味甚甘

天封井在縣城內昔爾朱真人吐丹在內有疾者

飲之卽愈

西充縣

西充故城卽今治本漢安漢縣地唐置屬果州寰宇

記在州西北五十九里唐以南充縣地繁濶析西北之境立縣取後西充縣爲名按後漢有西充國縣在今保寧府南部縣界

扶龍村在縣化鳳山下

清泉宮在縣北十里隋程太虛隱居於此

紀信故宅在縣東三十里高陽里扶龍村

程太虛宅在縣東十里雙圖山後

梯雲樓在縣南

明統志在縣治西

印星樓在縣南明建

探花亭在縣學前明建

蓬萊閣在縣東街

蓬州

相如故城今州治

隋志巴西郡相如縣梁置梓潼郡後魏郡廢舊唐志本漢安漢

縣地寰宇記縣在果州東八十五里梁天監六年置卽漢司馬相如所居之地因以名縣元統志宋淳祐三年四川制置使余玠以相如縣接近蓬州營山縣界旁有雲山砦去嘉陵江十有五里其山崇峻乃營立砦柵俾縣民附入雲山保聚寶祐六年郡守張大悅以城歸附遂以相如縣撥屬蓬州至元十五年蜀定令毀雲山砦復以軍民還舊理然此州從昔依山爲治距相如縣嘉陵江一百餘里不當水陸舟車之會乃徙州於此爲理所建宣撫征南都元帥府並蓬州總管軍民府二十年並廢舊志明初以相如縣省入蓬州按周隋蓬州在今營山界唐宋蓬州在今儀隴界元時始治相如前後凡三徙也

蓬池故城

舊志在州東唐宋時建州治於此故址尙存

梓潼故城在州西南

輿地紀勝在相如縣西南二十七里

司馬相如故宅在州南

寰宇記在相如縣南二十里羅洪先周地圖記其地

有相如坪相傳云相如營別業於此

文明樓在州南舊爲相如縣學樓鄉人何弱翁建

琴臺在州相如宅右

周地圖記西濱漢水藜薄鬱然其基名相如琴臺高六尺

周四十四步元統志又有洗筆池卓劒水縣令韓振記世傳琴臺鎮乃長卿故宅方輿勝覽司馬相如宅濱嘉陵江有琴臺又水北有相如坪相如故宅碑在縣西南光聖寺漫滅不可讀陳子昂文志以爲卽今州治

瑞蓮亭在州南石佛寺左宋張商英建

蓬萊閣在州治內知州畢宗賢建

芳溪館在州西

山燈

舊志治南山上嘗有燈光夜現凡五處初發三四點漸至數十百點光耀射人土人呼爲

聖燈

石門在州嘉陵江西岸

顏石在州治相傳爲顏魯公刺蓬州時物

臥牛石在州石梁沱

八龍池在州鷺鷥山

名勝志圭封禪師於青蓮山講經地湧青蓮八龍聽講

金錢井在州資聖院每月明輒有金錢影浮水上

玉環井在州形如玉環因名

營山縣

營山故城在縣東北八十里

宕渠廢縣在縣東北漢縣在今渠縣界梁改置於

此

隋志宕渠郡宕渠縣梁置並置景陽郡開皇初
郡廢舊唐志縣舊治長樂山長安三年移治羅

獲水

寰宇記廢宕渠縣在蓬州東一百里梁太清

元年於此置景陽郡及宕渠縣因縣界山爲名唐

寶歷元年併入蓬山大中中又置宋乾德三年併

入良山

朗池故縣在縣北

寰宇記朗池縣在蓬州南三十
五里本漢宕渠縣地唐武德四

年劔南道大使竇軌奏割果州相如縣置以臨古

郎池爲名寶應元年租庸使徐演奏自果州割屬

蓬州大歷五年遭賊焚燒自後權置行縣未立城

壁貞元元年移於營山歇馬館爲理卽今縣也唐

輿地

古蹟

順慶府人

志郎池縣寶歷元年省開成二年復置九域志大
中祥符五年改曰營山在蓬州南六十里元統志
宋淳祐三年余玠移縣治雲山至元十五年蜀定
復還舊治西至相如縣五十里明統志在蓬州東
六十里按通典新唐志九域志元統志皆作朗池
而舊唐志寰宇記作郎池未知孰是

良山廢縣

一統志本漢宕渠縣地東晉後爲獠
所據地名恆陵梁始置安固縣後周置

蓬州於此後周書梁州所管地名恆陵者方數百
里竝生獠所居恃其險固常懷不軌天和三年獠
叛總管長史趙文表討平之除文表爲蓬州刺史
隋志清化郡安固縣梁置後周置蓬州大業初州
廢寰宇記良山縣在蓬州東七十二里梁大同元
年分宕渠縣地置安固縣取安靜永固爲名屬伏
虞郡隋開皇三年罷郡以縣屬蓬州大業中州併
入宕渠唐武德元年於縣理置蓬州開元二十九
年州自此移理蓬池縣改安固縣爲良山縣元邪
中又廢大中中又置宋志熙寧五年省良山縣爲